

ad quiescendum descendens, Montium innixa radicibus, quorum a tergo contra levorum Septentrionum adflatum vallo munitur, non tota montosa, nec vicissim tota plana, sed mixta specie. Circuitu palmos colligere tricena quina millia, supra nongentos quinquaginta quinque, Nebianus Episcopus tradit. Palmus haud multo minor antiquorum est pede. Hinc mensura totius urbis si palmos septenos passui demus, milliariorum erit quinque, sin fenos, sex, demptis quadraginta quinque palmis, nec moles, nec portus in hanc dimensionem venit. Insignem Portum habet ad Austrum & Africum patentem, ingenti mole ad securam stationem premunitum. Cæterum de Genua politissimi & rotundi exstant Scaligeri verius.

*Ditis opta Asia, & claros Orientis honores
Quantaque ab Euxino tunditur ora salo,
Pisanas acies, Thusca decora incluta Pubis
Et traxi ad Ligures Gallica signa manus
Subiectis domitas tenui cervicibus Alpes,
Et tremuit nostras Africa terra trabes.*

*Afflictus toties Venerus, quæ fugerat olim
In patriis movit tela petitus aquis.
Frustra Galle cupis: frustra es frustrator Ibero,
Frustra seva ferox Insuber arma capis,
Vincio ego, cum vincor, par est Victoria damno,
Sumque eadem domina servaque facta mea.*

Metropoli visa, reliquarum Urbium nonnullas & Opida indicabo. Haud procul Varo *Nicea* est Ptol. *Nicia* Antonino, *Nizza* hodie. Urbs maritima, quondam ab Malsiliensibus condita, dorso Alpibus innitens, partim in juga, partim in planiciem porrecta. Nunc est munitissima, firmam habens Arcem in colle, ditionis Sabaudia Principis. Supra Portum Herculis Montæci ad alterum lapidem editis in montibus *Torbis* jacet, vel *Turbis*. Sunt & *D. Remi* Opidum, *S. Remo*, per amœno & fertili agro, qui Citris, Palmis, Medicis, Limonibus, aliisque fructiferis Arboribus mirum in modum ornatus. *Castellum Tabia*: ambitu exiguo, sed nomine celeberrimum, ob generositatem Vinorum Apianorum. *Albengaunum*, Urbs antiqua, situ plano, quingentis a mari passibus, gravioris Cœli, alioqui opulenta rebusque necessariis adfluens. *Finarium* item, *Naulum*. *Savona* urbs antiquissima, ædificiis ornata magnificis, cuius ambitus est circiter passuum. Atque hæc sunt in ora Genuensi Occidentali. In Orientali sunt: *Claverium*, *Sestri de Levante*, & alia. Flumina hic sunt *Varus*, qui Limitem statuit inter Provinciam & Liguriam: hanc Italia, illam Gallia regionem. Recipit hic, qua Occidentior eius ripa & Gallica Fluvios, qui vulgo Gallorum audiunt *Caremp*, *Lavaire*, *Esteron*: qua Orientalior & Italia spectans, *La Lince* & *La Vesubie* Sequuntur inde per Liguria littora *Paulon*, hodie *Palon*: *Rutuba* hodie *Rota*. Sunt item *Merula*, *Porzevera* *Ferisano*, *Lavagna*, *Maera*, *Magra* hodie. De Administratione autem Ecclesiastica apud Merc. in hac Tabula hæc leguntur: Archiepiscopus *Taurinensis*, cui subsunt *Casalenfis*, *Salutiari*, *Montis Regalis*, *Novariensis*, *Lodensis*, *Vercellensis*, *Iporegiensis*, *Astiensis*, *Aquensis*, *Albensis*, *Terdonensis*, *Saonensis*, *Albengaunensis*, *Vintimeliensis*, *Placentinus*, *Papiensis*, *Mediolanensis* Archiepisc. subiecti. Archiepisc. *Ianuensis* subsunt *Bobenensis*, *Aprumacensis*, vel *Brumacensis*, *Metenensis* vel *Maranensis* *Acoiensis* vel *Ampruniacensis*, *Nubiensis* in Cornica sive *Nebienfis*, *Naulensis*, *Albigannensis*, *Arbenga* credo, inter suffraganeos *Mediolanensis* Archiepisc. recensitus.